



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 4. Desumpta ex cap. 9. 10. & 11. lib. Josue, in quibus describitur
Astus Gabaonitarum, pacem dolose impetrantium à Josue. Obsessa
Gabaonitarum civitas à Josue liberata, Sol stare jussus, ...

[urn:nbn:de:hbz:466:1-61252](#)

quamprimum capta fuerit anima, ad alias decipiendas fit quasi laqueus, ut voluntati inimici obsequantur, sicuti perdix comprehensa pro esca illis proponitur, quæ nondum laqueo captæ sunt: circa illum enim auceps laqueos figit, ut voce sua perdix reliquas circumvolitantes ad eosdem pelliceat, & sic decepta decipit omnes; quæso, unde in familiis quibusdam tanta lascivia inter proles, tanta dissolutio inter servos & ancillas, nisi ex unius impudici lingua ortum traxit? ò quam multæ integerimæ vitæ Virgines unius procii petulantia in casses devenere, irreparabilè castimoniæ damnô. ò quam innumeræ adolescentes in templo seduli, in oratione frequentes, in obedientia celeres, in moribus compositi, unius perversi contubernio in gloacam vitiorum omnium demersi sunt! vide ergo Christiane Lector! si Superiorum agis, quales patiaris in tua communitate aut familia homines? aut si inferior es, vide: quibus te jungas sociis. Superior, qui vel unum patitur impium, audiet oculi à Deo v. 13. cit. capit. 1: *Anathema in medio tui est Israël, non poteris stare coram hostibus tuis, donec deleatur ex te &c.* & si talis vixerit in communitate, qui instar Acham furtum suum abscondentis, nequitiam suam palliò pietatis tegere novet; ut tu Superior in ejus notitiam devenias, pone ei cum Israëlitis insidias: non tantum ad publica ejus dicta & facta, sed etiam ad secretiora vigilem habens oculum. Brevi continget, ut eum capias cum civibus Hai.

Doctrina 4.

Desumpta ex cap. 9. 10. & 11. lib. Josue, in quibus describitur Astus Gabaonitarum, pacem dolosè impetrantium à Josue. Obsessa Gabaonitarum civitas à Josue liberata, Sol stare jussus, quinque Reges capiti &c.

N.205. Considera 1. **A**Dulatores imitari Gabaonitas: ut enim illorum hominum, quos fallere querunt, amicitiam impetrent, cum Gabaonitis munera illis offerunt, laudes & præconia congermant, servos profitentur se esse, ad fædera paratissimos, olei naturam induunt, quod illis rebus, quibus affunditur, se accommodans, cum frigidis frigidum, cum calidis calidum verba Apostoli inverso sensu accepta sibi appropriat, Rom. 12. testantis: *omnibus omnia factus sum &c.* Hoc oleum clarissime cognitum habens, sed summè detestans regius Vates

Vates exclamat: *Oleum autem peccatoris non impinguet caput meum. Noverat ille pessimò aliorum exemplò doctus , quanta Regibus inferat* damna tartareus iste liquor, quô tamen proh dolor! omnes prope modum Aulæ & Palatia Magnatum abundant. Quare fateri cogimur cum S. Hieron. ad Cellant. scribente: *Istò maxime tempore regnat adulatio: quodque est gravissimum, quia humilitatis ac benevolentia loco ducitur. Ita sit: ut qui adulari nescit, aut invidus aut superbus reputetur.* Christus Dominus Matth. 9. vocatus ad resuscitandam Principis Jairi filiam , circa demortuæ corpus reperit tibicines. Sed quid isti hîc locorum agant, cùm Musica in luctu sit importuna narratio ? ocius ergo à Christo abesse jubentur, non antea vitam mortuæ daturo , quâm domus fuisset à talibus musicis vacuata. Rabanus factum hoc expendens asserit: *Tibicines sunt adulatores , qui sovent mortuam. Neque enim adulatio solum culpâ mediante mortem animæ conciliat, sed & nutrit, & fovet.* Et cum ejecta esset turba , pergit S. Textus : *intravit & tenuit manum ejus, & surrexit, ut intelligamus: tunc animam in peccatis mortuam ad vitam gratiæ reddituram, quando nullum circa se senserit tibicinem , adulantem videlicet linguam;* talem enim qui patitur, non vivet amplius vitâ gratiæ, non ultrà surget è somno vitiorum. Accidet illi, quod incautis evenire solet nautis, hi dum avidam aurem præbent Si renum cantibus, indormiunt sopore tam gravi, ut eò usque non evigilent, donec fallacissimarum hostium rapidos dentes suæ cuti infixos sentiant. Accidet pariter illis, quod evenire solet infantibus ab ancillis infantariis, istæ dum agitant cunas, tamdiu adhibent cantum , donc infantes sopiant, & sopore obrutos alligare queant cunis. Hinc S. August. ait in sententiis sentent. 137. *Adulantium lingua alligant animas: delectat enim ea facere, in quibus non solum non metuitur reprehensor, sed etiam laudator auditur.* Sic Necesias Alexandri Magni Assentator superbiam ejus alligavit. Qui cernens Regem sumptò medicamine tormentis cruciari, Athenæo teste lib. 6. dixit: *Quid d' Rex nobis siest, quando vos Deos hac tormenta premunt?* sic Anaxarchus præfati Regis crudelitatem alligavit, quando illum de nece inclito Clyto à se illatam contristatum videns , in hæc verba prorupit : *Nescis, jus esse & fas adsidere Jovi, ut quidquid Rex facit, id justum fasque si?* sic immanem Dionysii Tyranni barbariem alligaverunt adulatores, qui illam compellavere Justiam. Sic (ut piura alia silentio involvam exempla) Tribonianus Jurisconsultus Justiniani, cæteroquin sagacissimi Imperatoris, arrrogantiam

gantiam alligavit, quando ausus est dicere : illum neutiquam aliorum hominum more moriturum, sed unā cum corpore à cœlo assumendum fore. Tali oratione Imperator in sua Jurisprudentia & dignitate turgidior effectus, à veritate Catholica deflexit, & in hæresim prælapsus, corpore & animâ perit. Quare Christiane Lector te verbis S. Hieron. jam semel citati adhortor, ad Celant. sribentis : *gulosos & palpantes adulatores quasi hostes fuge.* Et ne tu ipsem et adulatorem agas, cogita frequenter, quas pœnas Deo & hominibus dare soleant adulatores Gabaonitarum asseclæ, sub maledicto cum ipsis futuri v. 23. cit. capit. Adolescens narrans Davidi mortem Saulis, pro mercede adulatioñis suæ hastam visceribus infixam sensit 2. Reg. 1. duo siccarii, qui caput Isboseth eidem Regi attulerant, hoc factò adulaturi, proprium perdidere caput 2. Reg. 4. Pharisei Christo fallacissimis linguis adulantes, asserendò : *Magister scimus quia verax es &c.* Matth. 22. pluriès de Hypocrisi & aliis vitiis fuere ab illo verbis verisimilis castigati? Achatius Zenoni Imperatori adulatus, ipsem et cum Zenone in hæresim & interitum incidit. Baronius in annal. an. 485.

N. 206. Considera 2. Quanta sit vis virtusque orationis fervidae : tanta planè, ut non tantum grandines, sed etiam ingentes lapides è cœlo delapsi sint super hostes Josue, devotissime orantis : atque hinc asserit S. Chrysoft. Tom. 1. Homil. 67. *telum est acerrimum Regibus depreciation, & regius Vates cantat Psal. 149. exaltationes Dei in gutture eorum, & gladii anticipes in manibus eorum.* Cumque Rex iste jam ætate consecratus, fixum ratumque haberet, bello interesse 2. Reg. 18. à suis tamen prohiberetur, rogatus, manere domi, longè majorem hostibus intulit stragem, domesticos inter lares fervide orandò, quam patentibus in campis propriâ manu bellandò. Quod confirmat Abulensis q. 12. in lib. Reg. hæc verba scribens de illo : *Quia ipse manens in urbe tanum fecit orandò, sicut decem millia de euntibus ad prælium pugnandò.* S. Gregorius M. probè sciens, quantum in expugnandis urbibus & profligandis exercitibus hostium, valeant Dei servorum preces, Mauritium Imperatorem gravissimi erroris redarguit, dum legem promulgavit contra milites, qui deposito cingulō militiae sæcularis transiere ad cingulum militiae religiosæ, veritus : ne numerò militum sic decrescente decrescerent vires exercitus sui. Hanc ergò legem Pontifex ista ratione impugnavit, asserens : *Tunc magis Dominorum exercitus contra hostes crevit, quando Dei exercitus ad orationem creverit.* His verbis forsitan præluserat

Iusserat cœlestis Sponsus, cùm martiali animo præditam Sponsam sic collaudare auditus est, dicens Cant. 7. *Quid videbis in Sunamitide, nisi chorus castrorum? quem locum nonnisi attonito oculô legens Theodoreetus, miratur: quid hæc sibi velit dissimilium rerum connexio?* quam concordiam conficere valeat hæc discordia armorum & chorū? nonne arma in manibus militum, in linguis Monachorum preces & vota? apud hos nonnisi strictum reperies silentium, apud illos nonnisi strepitum & clamores exaudies? verbō: *Quid chori cùm castris? neque enim castris convenient chori: pax enim bello contraria est.* Ita ille, in cantica. Verū respondet ocīus, inquiens: *Nimirum anima orantis natura per hoc nobis exprimitur: etenim dum apud altissimum preces fundit, & Musici officium fecit & militis - Musici quidem dum placat iram, militis verò dum vincit invincibilem.* Ingens clades exstigit illa, quam suo in exercitu passus est Amalech Exodi 17. Sed quibūs armis, nisi precibūs Moysis illata fuit? horrendam sensere stragem Samuelis tempore Philistini, Judeorum terram invadere, & omnia ferrō igneque depopulare ausi: at quis eos hāc strage affecit, nisi Samuelis servida oratio? quis illo in conflictu pugnavit, in quo nemine è castris Honorii Imperatoris cæsō, imo nec vulneratō ducenta Gothorum millia cecidere, Orosiō teste lib. 7. c. 37. nisi calidissimæ preces? & quid Carolum V. Imperatorem invictissimum tot urbium triumphatorem, tot exercituum victorem, tot gentium dominatorem effecit, nisi frequens illud, & devotum orandi studium, ratione cuius de eo dictum est: *Carolus cum Deo sapiens, quam cum hominibus agere?* de hac fortissima precum armatura, & obtentis per eas victoriis non ambigens Carolus VI. modernus Imperator piissimus, ut pares Victoriae Lauros de Turca immanissimo Christiani nominis hoste, qui Superatā Moreā Romanum Imperium susque deque versarus, ingentes exercitus coire jussérat, colligeret: id primò inter negotia sua loco habuit, ut ubique gentium suarum publicæ fierent preces, per singulas Dominicas & feriatas dies continuandæ. Et hem! tam felicē successa hōc anno supra millesimum septingentesimum decimō sextō pugnatū est, ut prostratō apud Peterwardinum campestrī exercitu, ex ducentis & ultra milibus Turcarum constante: tribūs ante hæc vicibus à Christianis oppugnata, sed nunquam expugnata Urbs Thèmesvar, brevi temporis spatiō subacta sit; ipsis Ducibūs, quibūs de obedientiā ibidem immortali gloriā nihil hīc dempsero, fateri coactis: Victorias has non sine mi-

O o

racu*m*

raculo partas esse. Ut nihil memorem de pannico illo timore , quô tota propemodum Turcia nunc afficitur , communî votô exclamans : Nulla satis bello, pacem te poscimus omnes. Dum econtra subditî Domûs Austriacæ preces suas duplicant , & cum Victore Josue non quidem alloquendô materialem Cœli Solem , sed Solem Justitiae Christum orandô , dicunt : ne movearis - donec uliscatur se gens nostra de inimicis nostris . V. 13. citati capitîs. Cùmque teste Job militia sit vita hominis super terram : adeoque non tantum hostibûs externis , sed vel maximè domesticis impugnemur , quos inter velut Reges præsideant quinque sensus externi. Hinc de talibus quinque hostibus cum Josue triumphum reportaturi , ad sola orationis arma confugiamus , animati verbis S. Gregorii Nysseni , qui orat. i. de Orat. Dominicâ ait : *Oratio pudicitiae presidium atque tutamen est. Oratio Virginitatis sigillum , matrimonii fides , viatoribus scutum.* Hac armaturâ pudicitiam suam strenuissimè defendit contra Holofernem Judith. Hoc scutô Susanna impudicissimos duorum Serum assultus excussit. Hoc ense quasi flammeo Chrysanthus adolescens omnes sibi à parente pessimo objectas delicias confudit. Is enim cùm ob suscepsum Baptisma à Pollemio patre in carcerem detrusus , & pejore consiliò ad delicias exinde eductus , inter puellas pulcherrimas suisset constitutus , longâ oratione ad Deum se convertit , cuius epilogum pro coronide hujus Doctrinæ annexo. Nunc ego (orabat ille) te supplex convenio , ut mihi adversus istas seras opituleris , ut quemadmodum serpentes dormiunt , ad vocem incantantium , sic ipse me precante dormiant : ne mibi libidinis bellum inferre queant. Quoniam agnosco te verum Deum , qui homines in te credentes defendis , & invictam illis virtutem elargiris. Hæc cum dixisset , tam ingenti Virgines somnô sunt oppressæ , ut nisi ex triclinio exportarentur , excitari non possent &c. Baron. apud Surium

25. Octob.



FASCI-

